

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVIII No. 3
Pebrero 7, 2007
www.philippinerevolution.org

Editorial

Agumon ang hustisya para sa mga biktima sang pulitikal nga pagpamatay

Kaangay sang ginalauman, wala sang anuman nga kredibilidad kag pulos ang resulta sang hinimuan sang Melo Commission nga “imbestigasyon” sa mga kaso sang pulitikal nga pagpamatay sa pungsod.

Sa umpisa pa lang maathag na sa tanan nga indi matuod nga magaimbestigar ang Melo Commission kag suliton lang sini ang daan na nga ginambal sang Malakanyang, PNP kag AFP. Wala ini sang iban nga tinutuyo kag hinimuan kundi hugasan ang duguon nga mga kamot ni Gloria Arroyo kag sang iya nga mga berdugong upisyal. Wala ini sang kredibilidad sa mata sang mga pamilya sang mga biktima kag mga organisasyon nga nagasakdag sang tawhanon nga kinamatarung sa sulod kag gwa sang pungsod.

Sa desperasyon sini nga makaangkon sang kredibilidad, ginpatampok sang Melo Commission ang kongklusyon nga imbolbado ang pila ka mga tinawo sang AFP kag mga pulitiko sa mga pagpamatay. Apang kadungan sini gintum-ukan ni Jose Melo, nagapamuno sang komisyon kag anay mahistrado sang Korte Suprema, nga indi imbolbado ang bug-os nga establisimento sang AFP. Kon amo, ginatabunan lang sang Melo Commission ang responsibilidad sang bug-os sang rehimeng Arroyo kag matag-as nga heneral sang AFP. Gintumod man sini nga may responsibilidad

bilang kumander ang berdugo nga si Ret. Maj. Gen. Jovito Palaparan, apang ginambal nga inirekta kag wala siya sang kriminal nga salabton.

Hayagan nga gin-ako ni Melo nga ang mga kongklusyon sang iya nga komisyon halin sa mga report sang militar kag pulis. Gani wala ini sang may ginkomentaryo sa Task Force Usig sang PNP. Bangud nadulaan na sang anuman nga pagsalig sa komisyon, wala na nag-atubang diri ang mga saksi sa mga pagpamatay kag ang pamilya kag kaupdanan sang mga bikti-



Mga tampok sa isyu nga ini...

Pagpamatay sa Bicol, Samar, nagasingki
PAHINA 4

Malawigan nga interbensyong militar
PAHINA 6

Mga aksyong militar sang BHB sa Cagayan, Sorsogon
PAHINA 9

ma.

Bangud nahibal-an ni Arroyo mismo nga pagasugataon sang wala-tuo nga pagpakamalaot kag sigurado nga indi makapasar sa anuman nga matarung nga mga pagpangusisa ang wala pulos nga report sang komisyon, ginlikum na lang ini sa publiko. Sa baylo, para madisimular ang kapalpakan sini nga limpyuhan ang pangalan niya kag sang iya nga armadong kusog, kuno abi ginmanduan pa niya ang Melo Commission nga padayunon ang imbestigasyon.

Dugang nga pakitang-tawo ang pagpaimbestigar niya subong sa Department of National Defense, Department of Justice kag Commission on Human Rights sa mga pagpamatay. Nagpadihot man siya sang suhestyon nga magtukod sang bag-o nga sangay sang korte para lang sa mga kaso sang pulitikal nga pagpamatay. Nag-asta pa siya nga naga-engganyo sa mga pamilya sang mga biktima, saksi kag militante nga organisasyon nga magbulig kag magtestigo sa padayon nga imbestigasyon. Bangud ang European Union kag madamu pa nga pungsod sa Europe kalakip sa nagapakamalaot sa mga pagpama-

tay kag nagademanda sang matuod nga imbestigasyon, gin-imbitar niya ang mga tiglawas sang mga ini agud kuno magbulig sa imbestigasyon. Kag kon amo, ginalau-man niya nga mangin mas mapatihan ang iya nga mga tikang para kuno abi ginahatagan sang ligwa ang imbestigasyon sa mga kaso sang pagpamatay.

Pareho nga pakuno-kuno ang mga tikang nga ini. Kadungan sang mga ini, ginpahayag man ni Arroyo nga "99.9%" sang mga suldado sang AFP mga "mabuo."

Ginbansagan pa niya nga "prente sang mga komunista" ang grupong Karapatan kag iban pa nga militanteng organisasyon agud bale-walaon ang ginadulog nila nga mga datos kag ang malala pa mangin target ang mga ini sang mga atake sang militar. Ginapagwa niya nga kabutigan ang datos nga nagahambal nga nagalab-ot na subong sa masobra 820 ang kaso sang pulitikal nga pagpamatay humalin sang magpungko siya sa po-

der sadtong 2001.

Ang wala'y untat nga pagpamatay sang mga aktibista kag mga pulitikal nga pagpamigos sa kaumhan kag kasyudaran labi nga nagbuyag-yag sa wala unod nga mga pahayag ni Arroyo. Sining mga ulihing inadlaw, indi magnubo sa 10 na nga mga katapu sang partidong Bayan Muna (BM) kag iban pa nga progresibong organisasyon ang ginpamatay sa Bicol kag Samar.

Pila ka semana pa lang ang nagligad, gin-aprubahan ni Arroyo kag ginlunsar na sang AFP ang mas mapintas nga Oplan Bantay Laya II, matapos mapaslawan ang una nga bersyon sini. Ang pi-

nakabag-o nga Internal security operational plan sang AFP nakatu-tok sa "estrategiko nga pagkapyerde" sang armadong rebolusyonaryong kahublagan pag-abot sang 2010. Tampok sini ang pagpasingki sang mga pagpamatay nga ginahimo sang mga *death squad* sa mga lider kag katapu sang mga progresibong partido kag organisasyon nga ginabansagan nga "prente sang mga komunista" ukon kabahin sang "pangpulitika nga imprastruktura" sang Partido Komunista.

Sa sulod sang AFP, ginapalpnag ang malaut nga pamensaron nga wala sang kinatuhay ang mga armado kag indi armado nga pwersang nagakontra sa gubyrno. Ginahatagan sang rason sang pasis-tang ideolohiya nga ini ang armadong pagpangsalakay sa mga indi armado nga pwersa. Ginakabig sila nga armado nga panguntra kag kon amo nagakaigo lang nga todo-todo



Tuig XXXVIII No. 3 Pebrero 7, 2007

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial: Agumon ang hustisya para sa mga biktima sang pangpulitika nga pagpamatay	1
Pagpangsalakay sang estado	
Nagasingki nga pagpamatay sa Bicol kag Samar	3
Interbensyon sang US sa Pilipinas	5
Malawigan nga interbesyong militar	6
Tipo sang operasyon sang US SOF	7
Madinalag-on nga opensiba sang BHB Balita	9

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

Sundan sa "Agumon...", pahina 3

ANG BAYAN Pebrero 7, 2007

Pagpamatay sa Bicol, Samar, nagalala

Wala tuo ang pagpamatay sang mga berdugo ni Gloria Arroyo sa mga myembro sang militanteng grupo samtang nagahilapit ang eleksyon sa Mayo 2007. Masunod ang pila ka mga insidente nga nakalap sang **Ang Bayan**:

Pebrero 6. Pilason sanday Francisco Langi, bise alkalde sang Moti-ong, Samar kag ang iya nga asawa nga si Agripita sang ambusan sila sang mga armadong lalaki sa Paranas, Samar. Napatay sa ambus si Jessie Dacanay, ang drayber sang ginasakan nila nga motorsiklo. Si Langi kilala nga malapit sa mga progresibong grupo.

Pebrero 2. Ginpatay sa Hinabangan, Samar sang mga ginadudahan nga elemento sang bandidong RHB si Sixto Azilan, 47, isa ka organisador sang mga imol sa syudad. Napilasan man sa pag-ambus ang upod ni Azilan nga si Rey de Luna. Antes sini, pila ka beses nga ginapatawag sang 8th ID si Azilan para sa interogasyon.

Enero 29. Ginpatay sang duha ka nakamotorsiklo nga berdugo ni Arroyo sa Catbalogan, Samar si Dominador de Luna, 50, myembro sang Confederation for Unity, Advancement and Recognition of Government

Employees (Courage) sa Samar kag empleyado sang National Food Authority. Asawa siya ni Concepcion de Luna, isa ka board member sang prubinsya kag lider sang Bayan Muna sa Samar. Naigo sa ulo si de Luna nga gilayon niya nga ginkamatay. Siya ang ika-825 nga biktima sang ekstrahudisyal ngpagpatay humalin sang magpungko si Arroyo sadtong Enero 2001.

Enero 27. Gintinguhaan nga patyon sang death squad ni Arroyo si Flor Acbo, 54, information officer sang Bagong Alyansang Makabayan- Eastern Visayas mga alas-9 sang gab-i. Nakalikaw si Acbo kag sa baylo naigo sa tuo nga paa si Eric de Guzman, 27, isa ka sibilyan. Natabo ang pagpangluthang pila ka metro lang ang antad sa balay ni Acbo sa Philippine Housing Homes-

Sundan sa "Nagasingki..." pahina 4

"Agumon...", halin sa pahina 2

kag wala'y patugsiling nga lupigon, pwersahon kag pamatyon.

Sa pihak sang mga ini, nagainit ang handum sang mga biktima, mga kapamilya nila kag mga demokratiko nga organisasyon kag bug-os nga pumuluyo nga agumon ang hustisya. Nahibal-an nila nga sa umpisa pa lang wala na sang hinimuan si Arroyo kundi ang magpakuno-kuno kag magbinutig agud makalikaw sa anuman nga kriminal nga salabton samtang padayon nga ginapalala ang mga pagpang-abuso kag kalakasan sa mga progresibo kag militanteng kritiko sang iya nga rehimen.

Matabo lang ang seryoso, maid-id patas kag matarung nga imbestigasyon kag pagbista sa mga kaso sang pulitikal nga pagpamatay kag kalakasan sang rehimen kon ini kaptan sang mga tawo nga independyente kag may mataas nga lebel sang integridad kag moralidad kag kon indi ini paghilabtan, ipresyur kag diktahan nanday Arroyo kag mga idu-

ido niya. Kinahanglan may ara ini nga gahum kag may ikasarang nga magpatawag kag magdakup sang mga akusado sa mga krimen kag magpanaog sang mga silot sa mga mapamatud-an nga may sala.

Sa atubang sang padayon nga pagpakatig-a sang rehimen Arroyo, wala sang iban nga madangpan ang mga biktima, mga kapamilya nila, mga demokratikong pwersa kag ang pumuluyo kundi ang kaugalingon nila nga paghiliusa kag paghulag. Kinahanglanon ang mga kampanya sang pagbuyagyag kag hugot nga pagpakamala sa sulod kag gwa sang pungsod sa sistematiko nga pagpamatay sang rehimen Arroyo sa mga aktibista nga nagahulag sa ligal nga patag kag sa madamu pa nga di-armado kag inosenteng sibilyan.

Dapat ibuyagyag ang kahayupan kag lubos nga pagkapasista nga kinaiya sang rehimen kag kundenahon si Arroyo kag mga sinakpan niya nga manugpa-

tay-tawo sa ila nga mga krimen batuk sa pumuluyo. Ang kampanya batuk sa makangingidlis nga mga pagpamatay kag todo-todo nga pagpanglupig ang kasugpon sang paghimakas sang pumuluyo agud ibagsak ang lubos na nga ginakangil-aran nga rehimen.

Dapat bayaran nanday Arroyo kag sang mga masugpog nga pasistang kahimbon niya ang kada kabuhi nga ila gin-utas sa brutal nila nga kontra-pumuluyo nga gera. Nagalanog ang singgit sang mga biktima kag pumuluyo nga silutan ang mga utok kag operatiba sang kampanya sang pulitikal nga pagpamatay kag maangkon na ang hustisya nga madugay na nila nga ginahandum. Pinaka-epektibo nga mahimo ini subong bangud lubos na nga ginakangil-aran, nagakahamulag kag madasig na nga nagasarurot ang pangpulitika nga gahum sang garuk kag brutal nga rehimen Arroyo.

AB



"Nagasingki..." halin sa pahina 3

tead Corp. (PHHC) sa Barangay Nulatula, Tacloban City.

Enero 25. Isa ka mangunguma ang napatay kag apat ang napilasan sang tiruhon sang mga *security guard* kag sang mga elemento sang Civilian Volunteer Organization ni Rodolfo Cuenca, isa ka daku nga agalon nga mayduta sa Negros, ang kubay sang 100 ka mangunguma nga nagtinguha nga mag-okupar sang duta nga ginhatag na sa ila sang Department of Agrarian Reform sadtong 2002. Napatay si Pepito Santillan, 60, kag pilason sanday Fernando Santillan, 41, kag Rey Cortejo, 34.

Enero 23. Ginluthang sang mga nakamotorsiklong berdugo ang duha ka myembro sang Bayan Muna sa Sorsogon kag Albay. Ginpatay si Ruben Ermino, 52, samtang nagapamasada sang iya nga traysikel sa Barangay Tabi, Gubat, Sorsogon, mga alas-12 sang udto. Ginluthang man si Demetrio "Don" Imperial, 26, sa iya nga balay sa Barangay Sogoy, Castilla, Sorsogon mga alas-7 sang gab-i.

Duha pa ka myembro sang BM nga madugay na nga nadula, sanday Miguel Dayandate kag Julio Camero, ang nasapwan nga patay sa Ligao, Albay sa amo man nga adlaw.

Enero 22. Gintinguhaan nga patyon sa Tagum City sang mga elemento sang *death squad* si Amancio Carmelo, secretary-general sang Kilusang Magbubukid ng Pilipinas sa Southern Mindanao. Duha ka beses nga ginluthang sang mga berdugo si Carmelo apang wala ini naigo.


Enero 21. Ginpatay sang mga berdugo ni Arroyo si Ananias Burce, barangay tserman sang Barangay Oras, Tabaco City, Albay kag ginadudahan sang militar nga tagasuporta sang BHB. Walo ka igo sang bala ang naagum ni Burce sang luthangon siya sa Barangay Bantayan, Tabaco City.

Enero 17. Ginbombahan kag ginstraping sang duha ka MG-520 *attack helicopter* sang Philippine Air Force ang Sityo Soob, Barangay Poblacion, Albura, Leyte halin alas-11:30 sang aga tubtub alas-12:30 sang hapon. Madamo nga sibilyan sa palibot ang napilitan nga magbakwit bangud sang grabe nga pagpamomba kag pag-istraping.

Samtang, sa amo man nga adlaw sa Iloilo City, ginsalakay sang mga pulis ang kapitolyo prubinsyal agud pwersahan nga pahaliton si Gob. Niel Tupas sa iya pwesto. Masobra 200 ka mga naka-*full battle gear* nga *anti-riot* pulis kag mga myembro sang Regional Mobile Group sang PNP ang makahas nga nagsalakay sa kapitolyo. Hugot nga ginpakamalaut sang 5 pa ka gobernador kag isa ka meyor sang Western Visayas ining sobra-sobra nga paggamit sang pwersa kag sapat-sapaton nga pag-asolt. Si Gob. Tupas, upisyal sang kontra-Arroyong paksyon sang Liberal Party nga ginapamunuan ni Sen. Franklin Drilon.

AB

Pagpangsilabot-militar sang US sa Pilipinas



Todo ang pagpropaganda sang gubyernong US kag rehimeng Arroyo para hatagan-rason ang pagpangsilabot sang militar sang US sa Pilipinas. Sang nagligad nga mga sinemana, wala sang untat ang paghatag nila sang tum-ok sa "pagkayabi nga pak-tor" sang suporta kag "pagpamuno" sang US sa mga operasyon batuk sa mga ginbansagan nila nga "terorista." Ginapabugal sang AFP ang buligay nila sang militar sang US sa pagpatay kanday Kadaffi Janjalani kag Jainal Antel Sali (si Abu Solaiman, suno sa AFP), mga lider sang Abu Sayyaf—isa ka gamay nga lokal nga grupo sang mga bandido nga nakabase sa Basilan kag Sulu nga ginabansagan nga "terorista" sang militar.


Samtang lab-ot sa langit ang pagpasalamat sa "pagpamuno kag suporta" sang US, pilit nga ginalikum sang rehimeng Arroyo ang aktwal nga kadalumon kag sakup sang pag-upod sang mga tropang Amerikano sa mga operasyon batuk sa Abu Sayyaf. Bisan nga tinutuyo sini nga labi nga padalumon ang pagpasilabot-militar sang US, ginakibang man ang rehimeng Arroyo nga ini magserbi nga mit-sa sa pagbaskog kag paglapad sang patriyotismo sang pumuluyong Pilipino. Ginalikawan man sang rehimen nga manabat ini sa paglapas sa mga probisyon nga nagaluntad sa konstitusyon nga nagadumili sa pagpasakup sang mga dumuluong nga tropa sa mga operasyong pangkombat sa Pilipinas. Bisan ginako nila nga may mga "strike operations" ang mga tropang Amerikano sa Pilipinas, ginapamilit gihapon sang mga upisyal sang rehimeng Arroyo kag sang AFP nga ang pagpasakup sang mga dumuluong para sa "paniktik," "kagamitan," "pag-adbays" kag "treyn-ing" lang.

Sa pagkamatuod, ang tanan nga ini makabig nga pagpasilabot-militar sang US sa Pilipinas. Paglapas sa soberanya sang pungsod ang ginahimo nga "air re-

connaissance" (paniktik nga gamit ang mga ginapalupad nga eroplano sa kahawaan sang Pilipinas), kag pagtipon sang datos-paniktik paagi sang mga tropang Amerikano ukon sang mga ahente nila nga nalapta sa pungsod. Ang paniktik sang US, labina ang ila nga tak-tikal nga paniktik pangkombat esensyal nga aspeto sang kabilugan nga operasyong militar kag sa matuod magamit sang militar sang US agud idireher ang mga operasyong pangkombat sang mga suldado sang AFP. Mas malala pa ang aktwal nga partisipasyon sang mga suldado nga Amerikano sa mga operasyong pangkombat, amo man ang mga "espesyal nga operasyon," nga padayon nga ginalikum sang mga up-isyal sang gubyerno kag militar sang US kag sang Pilipinas.

ANG PAGPASAKOP sang militar sang US sa gera batuk sa Abu Sayyaf tungtungan kag paghanda lang sa mas daku nga tinutuyo sini nga pasilabtan ang kontra-rebolusyonaryong gera batuk sa rebolusyonaryong kahublagan kag lupigon ang patriyotiko kag anti-imperyalista nga kahublagan sa Pilipinas. Ang matuod nga estratehikong target sang pagpasilabot-militar sang US sa Pilipinas amo ang mga pwersang anti-imperyalista—ang mga pwersang todo nga nagabatu sa dominasyon kag pagpanglupig sang US kag sang papet nga rehimen sini sa pungsod—pangunahon ang mga rebolusyonaryong armadong pwersa, kag lakip na ang mga ligal nga pwersang patriyotiko kag progresibo.

Malawig na ang kasaysayan sang hayag kag likum nga pagpasakup sang militar sang US sa kontra-rebolusyonaryong gera sa Pilipinas. Sa malawig nga panahon, paagi sang Joint US Military Advisory Group (ukon JUSMAG) kag sang nagkalain-lain nga programa sa "treyning" diri sang mga lider kag pwersang militar



sang Pilipinas, ang mga adbayser sang militar sang US ang nagbalay kag nagdireher sa planong "counter-insurgency" sang AFP. Tubtub subong, ang US ang pangunahon nga nagasuplay sang armas kag mga kagamitang militar para sa AFP. Sining mga nagligad nga tuig, mas o menos \$20-30 milyon ang tuigan nga ayuda-militar nga ginahatag sang US sa papet nga rehimen. Ini ang ginkuhaan sang P10 bilyong pondo para sa AFP Modernization Program.

Kon sang una, estatehiya sang "low intensity conflict" (mahinay nga kumplikto) kon sa diin tampok ang mga operasyong saywar) ang ginapaluntad sa Pilipinas, sa subong nabalay ang wala sang patugsiling nga pasistang kampanyang Oplan Bantay Laya I (2001) kag II (2006) sa doktrina kag estratehiya sang "global war against terror." Liwat nga ginpatampok sini ang daan na nga wala'y patugsiling nga pagtampalas sang US kag mga papet nga armadong pwersa sini sa mga kinamatarung sibil, soberanya sang mga pungsod kag mga layi sa inaway.

Ang kampanya sang pulitikal nga pagpamatay nga ginalunsar subong sang rehimen Arroyo nakabase sa Oplan Phoenix sang US sa panahon sang gera sini sa Vietnam, kon diin pila ka pulo ka libo nga ordinaryong pumuluyo nga ginsuspetsahan nga taga-suporta sang mga gerilyang Vietnamese tuig-tuig

ang ginpatay sa isa ka lapnagon nga kampanyang pagpamatay nga ginhi-mo sang US kag papet nga rehimen.

Sining nagligad nga tuig, may pila ka kahigayunan nga sulod-gwa ang mga dumuluong nga tropang Amerikano sa mga teritoryo sang rebolusyonaryong kahublagan. Halin 2004, ginhingalitan sang US ang mga kalamidad agud magdeploy sang mga tropa sini sa mga lugar nga ginatantya sini nga mabakod ang rebolusyonaryong kahublagan.

Nakasulod na ang mga tropang Amerikano sa mga rebolusyonaryong erya sa Quezon, Aurora, Leyte kag Albay. Agud tabunan ang militar nga tinutuyo sang mga operasyon nga ini, ang mga ini ginbansagan nga mga "humanitarian mission."

Tinutuyo sang mga operasyon nga ini ang pagpamilyarisa sa tereyn kag sitwasyong pangkatiling-ban sa mga erya, hugton ang koordinasyon sa mga lokal nga yunit sang AFP, maglunsar sang paniktik paagi sa pagpalupad sang mga "unmanned aerial vehicles" kag mga ahenteng paniktik, magrekrut sang mga mersenaryo kag aset, paghanda sang imprastruktura para sa gera kag pagpahamot sang papel kag imahen sa pumuluyo.

ANG PAGPASILABOT militar sang US sa Pilipinas nagpadalum kag nagpalala paagi sa hayagan nga pagpakatuta sang rehimen Arroyo. Makangingil-ad ang ginapakita ni Arroyo nga tuman nga kalipay sang tawgan siya ni President George W. Bush sang US agud "dayawon" sang mga "kadalag-an sa pagbato sa terorismo."

Ginapasugtan sang rehimen ang permanente nga pagtiner sang mga tropang Amerikano kag mga adbayser nga militar sa mga kampo sa Pilipinas, ang pagsulod-gwa sang mga barkong panggera sang US, ang pagpalupad sang mga "spy plane" kag pagpasakup sang mga tropang Amerikano sa mga operasyong

pangkombat nga pareho nga paglapas sa soberanya sang pung-sod kag sa nagaluntad nga konstitusyon.

Ginpamatud-an sang rehi-meng Arroyo sa imperyalismong US nga isa ini ka tampad kag masaligan nga papet sang imperyalismong US. Sa desperasyon nga makakuha sang suporta sang US, ginahimo subong ni Arroyo ang tanan agud mapalipay ang iya amo.

Kinahanglan nga himuon sang rebolusyonaryong pwersa kag sang pumuluwong Pilipino ang tanan agud ibuyagyag kag pamatukan ang tanan nga porma sang pagpangsilabot militar sang US, halin sa “joint military exercise,” mga aktibidad

sang mga “ad-bayser nga militar,” mga “espesyal nga operasyon,” mga “strike operation”, mga “operasyong paniktik” kag iban pa nga mga likum nga pagpasakup nila sa mga operasyong militar, kag mangin ang mga pagpakuno-kuno nila nga “humanitarian mission” sa lain-lain nga lugar sa Pilipinas. Kinahanglan ang ubos- kusog nga paghulag kag tukuron ang pinakamasangkad nga nagahiliugyon nga prente sang mga patriyotiko nga pwersa agud batuan ang nagadalum na nga pagpasilabot-militar sang US sa Pilipinas kag paslawon ang mga tikang nga labing magapalala pa diri, kalakip na ang paghimbunanayanay sini sang papet nga rehimen.

Kinahanglan man nga mahanda ang tanan nga rebolusyonaryong pwersa sa amat-amat nga ginpadaku kag ginpadalum nga direkta nga pagpasilabot-militar sa mga erya ginahulagan sang mga armadong rebolusyonaryong pwersa. Sa tion nga ilunsar na sang mga tropang Amerikano ang direkta nga gerang agresyon batuk sa rebolusyonaryong kahublagan sa Pilipinas, gilayon na nga itrans-porma ang subong nga gera sibil sa isa ka malapnagon nga pungsudnon nga gera batuk sa agresyong US kag atubangon sang US ang masingki nga pagbato sang mga rebolusyonaryong pwersa kag patriyotikong pumuluwong Pilipino. ■

Joint Special Operations Task Force-Philippines Malawigan nga presensya kag interbensyon militar

Isa ka yunit sang mga pwersang pang-espesyal nga operasyon (special operations forces o SOF) sang US ang nag-abot sa Zamboanga City sadtong 2002 agud ilunsar ang ginbansagan sadto nga Operation Enduring Freedom (OEF)-Philippines. Ang OEF-Philippines kabahin sang imperyalistang “gera kontra-terorismo” nga ginlunsar ni US Pres. George W. Bush makaligad ang mga teroristang atake sa US sadtong Setyembre 11, 2001. Ang paglunsar sang OEF-Philippines halos kadungan sang mga paglunsar sang agresyon kag okupasyon sang US sa Africa, Afghanistan kag Iraq.

Ginpakilala ang nag-abot nga yunit bilang Joint Special Operations Task Force-Philippines (JSOTF-P).


Napaidalum ini sa Special Operations Command-Pacific (SOPAC) nga may nakadeploy man nga mga yunit sa Japan, Guam, Northern Marianas, Hawaii kag Korea. Sa Pilipinas, ang ginasambit nga pangunahon nga target sini amo ang grupo nga Abu

Sayyaf, nga ginlakip sang US sa listahan sini sang mga “dumuluong nga teroristang organisasyon,” samtang isa lang ini ka kriminal kag

bandido nga grupo. Ginagamit lang nila ang paggera sa Abu Sayyaf bilang tungtungan para sa mas malawigan nga interbensyon militar batuk sa aktwal nga estratehikong target sang US—ang mga rebolusyonaryong pwersang nakalapta sa kadam-an nga prubinsya.

Nakabase ang JSOTF-P sa Edwin Andrews Air Base sang AFP sa Zamboanga City kag naglunsar sang mga espesyal nga operasyong militar sa palibot sang syudad kag sa kalapit nga mga isla sang Basilan kag Sulu. Hungod nila nga ginsulod kag gin-okupar ang mga lugar nga natumod nila nga ginabasehan sang grupong Abu Sayyaf agud garit-gariton ini nga magsalakay kag makig-enkwentro sa ila.

Ang mga pwersang nakapag-sulod sa JSOTF-P tuhay sa regular nga mga tropa sang US nga kabahin sa Balikatan *military exercises* lakip ang mga suldado nga Pilipino. Samtang ang mga nagapasakup sa Balikatan nagatiner sa pungsod sa sulod lang sang pila



ka semana, halin pa sang 2002 tub-tub sa subong pangmalawigan nga nakatanum ang mga pwersa sang JSOTF-P sa kubay sang mga tropang Pilipino. Samtang ginahayag sa publiko ang isip sang mga nagapasakup, lugar nga hiwatan, mga aktibidad kag umpisa kag katapusan sang mga Balikatan, pareho nga ginalikum sang US kag sang rehimeng Arroyo ang kadam-an kag labi na ang mga detalye sang mga operasyon sang JSOTF-P.

Sadtong una, ginapaggwa sang US kag sang rehimeng Arroyo nga ang mga operasyon nga ginalunsar sang JSOTF-P, pangunahon, mga operasyon sibiko. Tuso nga gin-upod sang US ang mga SOF nila sa Operation Smile, isa sa pinakadaku nga misyon medikal sang armadong kusog sang US kag may kabahin pa nga nagkalain-lain nga organisasyong “bulig-sa-kaluoy” agud taguon ang mahipos nga pagsulod nila sa pungsod sadtong Enero 2002. Hungod nila nga ginpanagil-ot ang Operation Smile sa tunga sang duha ka dalagku nga Balikatan exercises agud ipakita nga kabahin lang sila sang mga pwersang Amerikanong nagapasakup sa Balikatan.

Sa pagtakup sang Operation Smile sadtong Hulyo 2002, nabilin sa mga pwersa sang JSOTF-P ang mga erya nga sakup sang misyong medikal. Agud palutson ang siges-siges nga presensya sang mga tropang Amerikano sa mga lugar nga ini, naghimo ang JSOTF-P sang lain-lain pa nga padihot nga programang sibiko kaangay sang pagpatindog sang mga eskwelahan kag ospital, paghimo sang mga klinik, paghimo sang mga *deep well* kag kasilyas, paghimo sang mga kampanyang pang-edukasyon kag ikaayong lawas kag iban pa. Palupanahon nga ginabisita ang mga ini sang US ambassador,



Mga pangunahon nga tipo sang operasyon sang US SOF

Ginatumod sa mga manwal sang US SOF ang duha ka pangunahon nga katungdanan kag tipo sang mga operasyon nila: ang *foreign internal defense* (FID) kag ang di-kumbensyunal nga pagpakig-away (*unconventional warfare*). Ini ang duha ka talom sang ila nga pagpangsilabot-militar.

Sa FID, nagapasakup, nagatreyning, nagakoordinar kag nagabulig ang mga SOF sang US sa mga internal (ukon lokal) nga pwersa kag operasyong militar sang iban pa nga gubyrno (kaangay sang Pilipinas) sa mga kampanya sini batuk sa krimen, terorismo kag “insurhensya.” Sa kaso sang JSOTF-P, indi lang pagpanakup ang mga pwersang US sa mga operasyon sang AFP, sila ang nagapondo, nagaplano kag nagadiriher sini, kag naglunsar man sila sang kaugalingon nila nga mga likum nga espesyal nga operasyon.

Lakip sa mga di-kumbensyunal nga pagpakig-away gerilya ang paglunsar sang mga *civil-military operations* (CMO) kag paglunsar sang mga operasyong paniktik nga hayag nila ng ginaako kag mga likum nga espesyal nga operasyon, “strike operations” kag operasyong kombat nga ara sa mga manwal apang wala nila ginaako sa publiko.

Suno sa mga nangin kumander sang JSOTF-P, pangunahon nga katungdanan sang ila nga yunit sa Pilipinas ang maglunsar sang di-kumbensyunal nga pagpakig-away batuk sa “terorismo” kag “insurhensya.” Sa mga dokumento sang US SOF, wala sang kinatuhay ang kombat kag di-kombat nga mga operasyon.

AB

mga upisyal militar kag iban pa nga pwersang militar sang US nga nagapakuno-kuno nga may misyon nga tawhanon (kaangay sang USS Mercy) agud ipatampok ang ini nga imahen sang ila nga presensya kag taguon ang pagpasilabot sang ila nga mga tropa sa mga operasyong militar sang AFP sa Mindanao.

Ginagamit sang mga SOF sang US ang mga gimik nga programang sibiko agud sudlon ang mga komunidad sang pumuluyong Moro nga sa kadam-an sarado sa presensya indi lang sang mga tropang Amerikano, kundi pati sa mga suldado sang AFP. Kadungan, naglunsar ang mga SOF sang US sang mga kampanyang saywar agud tiplangon kag engganyuhon ang

mga residente kag agud mabaton ang malawigan nga presensya didto sang mga tropang Amerikano. Kadam-an sang mga komunidad nga ini nagapamatuk sang ila nga presensya, indi bangud ginasuportahan nila ang Abu Sayyaf kundi bangud sa naagyan nila nga malala nga pagpamomba, mga paglapas sang tawhanon nga kinamatarung kag lapnagon nga pagkagguba sang ila nga panga-buhian bunga sang wala untat nga kalakasan nga pagpangsalakay sang AFP sa lugar nila sining nagligad nga tuig.

Sa idalum sang ini nga pagpakuno-kuno hilway nga napatuman sang mga SOF sang US ang ila nga mga operasyon sa Mindanao. Maluwas sa mga operasyong paniktik, sarbeylans kag rekonaysans, naglunsar man silas ang mga likum nga espesyal nga operasyong militar sang gintingub ukon nakabulag nga mga pwersa sang AFP.

Suno mismo sa oryentasyon si-
ni, ang JSOTF-P ang nagaserbi nga
kumand kag sentro sang mga Bali-
katan. Bisan sa mga dokumento kag
report nila, hayagan nga nakabu-
tang nga ang mga operasyong mili-
tar nila mahimo nga prentehan
sang mga treyning. Kon sa diin may
presensya sila, lapnagon kag mada-
lum ang pagkaimbolbar sang mga
espesyal nga pwersang Amerikano
sa mga operasyong militar sang
AFP, kalakip sa mga operasyong
kombat sini.

Bisan upisyal nga ginpanginwa-
la sang gubyerno sang Pilipinas nga
imbolbado ang mga pwersang Ame-
rikano sa mga lokal nga operasyong
kombat, indi lang kaisa nga gin-ako
ni AFP Chief of Staff Lt. Gen. Her-
mogenes Esperon nga may papel
ang mga ini sa mga “special strike
operations.” Ang pinakadaku nga
ambus kag *strike operation* batuk sa
Abu Sayyaf halin 2002 ginhimo
sang gintingub nga mga pwersa
sang Pilipinas kag US sa pag-pamu-
no sang JSOTF-P.

Tampok nga kaso diri ang pag-
upod ni US S/Sgt Reggie Lane sa
reyd nga ginlunsar sang mga pwer-
sa sang 18th IB sang Philippine
Army sa tungang-gab-i sa balay
sang mga Isnijal sa Brgy. Canas, Tu-
buran, Basilan. Ginluthang nila sa
hita kag pilit nga ginkuha ang isa
ka di-armado nga sibilyan, si Buy-
ong Buyong Isnijal, sadtong Hunyo
2002. Myembro kuno siya sang Abu
Sayyaf, bagay nga ginpangin-wala
sang mga kapamilya kag kakilala
niya.

Bisan daku ang isip sang mga
SOF nga ginpadala sang US sa
Afghanistan kag Iraq (labina sa uli-
hi, kon sa diin, 10,000 pwersa sang
SOF na ang ginpadala—pinakadaku
halin sadtong gera sang US sa Viet-
nam), sa kabilugan napaslawan ang
mga operasyon nila didto bangud
wala sang suporta sang pumuluyo
kag sa masangkad kag mabaskog

Balikatan exercises, padayunon na

PADAYUNON ang naunsiyami nga Balikatan military exercises subong
nga Pebrero 18 matapos patago nga masaylo sa kustodiya sang US
Embassy si Lance Corporal Daniel Smith, ang suldado nga
Amerikanong napamatbatan sang reyp sa Pilipina nga si “Nicole”
sadtong Nobyembre 2005. Matandaan nga ginkansela sang US ang
nasambit nga military exercises sadtong Disyembre 22 bilang
protesta sa pagtanggi ni Judge Benjamin Pozon sa petisyon ni
Smith nga isaylo siya sa kustodiya sang US matapos siya
masentensyahan.

Hugot nga ginkundena sang mga tagasuporta ni “Nicole” ang
pagsaylo kay Smith sa kustodiya sang US nga wala sang kaakibat nga
kautusan sang korte. Ang pagsaylo kay Smith bunga sang likom nga
kasugtanan sa tunga nanday Gloria Arroyo kag US ambassador Kristie
Kenney. Sa pagsulod sa kasugtanan, ginbalewala ni Arroyo ang tanan
nga ligal nga proseso para lang malipay ang iya nga amo nga im-
peryalista kag mapadayon ang naunsiyami nga military exercises. **AB**

nga pagbato sang mga rebeldeng
Afghani kag Iraqi.

Bisan sa Pilipinas, indi nila ma-
dali-dali lutos ang gamay nga ban-
didong grupo sang Abu Sayyaf ma-
tapos ang lima ka tuig. Ang ginapa-
bugal na lang sang US kag sang re-
himeng Arroyo ang mga pagkapatay
nila sang san-o lang sa pila ka lider
sang Abu Sayyaf. Pareho nga gin-
apaggwa sang mga upisyal sang US
kag rehimeng Arroyo nga positibo
ang resulta sang presensya kag
programa sang mga pwersang Ame-
rikano sa Pilipinas. Ginpaggwa nila
nga nakadala sang kauswagan kag
katawhayan sa Basilan ang mga SOF
humalin sang tum-ukan nila ang is-
la. Ang ginatawag nila nga “Basilan
model” makaserbi kuno bilang mo-
delo sang ila nga mga operasyon sa
bug-os nga kalibutan. Ang tanan
nga mga ginapangwakal nila nga
ini manipis nga tabon lang sa ka-
kugmat nga dala sang ila nga pre-
sensya kag mga operasyon sa isla.
Indi mahinago sang ila nga progra-
ma-sibiko ang makahas nga reyd
kag pagpang-atake sang mga ginti-
ngub nga pwersa sang AFP kag mga
suldado nga Amerikano sa pumu-
luyo nga ginadudahan nila nga na-
gasuporta sa Abu Sayyaf. Lapnagon

ang iligal nga pagpang-aresto kag
detensyon, pagpamahog, pagrekisa
sang mga balay, pagsona kag iban
pa nga paglapas sang tawhanon
nga kinamatarung. May mga kaso
sang pagpamatay kag pagkuot, wa-
la’y patugsiling nga pagpalupok
sang pusil kag iban pa nga gawi
nga nagahatag sang tuman nga ka-
hadlok sa pumuluyo.

Maathag nga ginahimo lang nga
rason ang pamahog sang Abu
Sayyaf para sa plano sang US nga
mas madalum kag mas masangkad
nga interbensyon militar. Gamit
ang mas daku nga pwersa nga na-
gasulod sa pungsod paagi sang mga
Balikatan, regular nga ginapasang-
kad sang JSOTF-P ang ila nga mga
operasyon sa iban nga bahin sang
Mindanao kag sa mga lugar sa Lu-
zon kag Visayas kon sa diin matalu-
pangdan nga mabaskog ang rebolu-
syonaryong kahublagan kag Bag-
ong Hangaway sang Banwa.

Pinakatinutuyo sang amo nga
pagsulod sa mga prenteng gerilya
sang Bag-ong Hangaway sang Ban-
wa ang pasilabtan sa palaabuton
ang mga operasyong militar sang
AFP batuk sa mga rebolusyonaryong
pwersa. **AB**



Mga aksyong militar sang BHB sa Sorsogon kag Cagayan

NAPATAY ang isa ka suldado sang salakayon sang BHB sining Enero 25 ang *barangay hall* nga gina-kampuhan sang mga elemento sang 42nd IB, 1:40 sang hapon sa Brgy. Bonga, Castilla, Sorsogon.

Samtang, duha ka tropa sang militar ang napilasan sang mag-engkwentro ang BHB kag mga elemento sang 17th IB sa Brgy. Caruppian, Baggao, Cagayan sadtong Enero 21.

Sang Enero 20, isa pa gid ka suldado ang napatay kag apat ang napilasan sa duha ka engkwentro nga natabo sa tunga sang BHB kag mga naga-operasyong suldado sa Brgy. Lungib kag Brgy. Palanas, Pilar, Sorsogon.

Pasistang meyor, ginsilutan sang BHB

GINSILUTAN sang mga elemento ng BHB-Arnulfo Ortiz Command sang prubinsya sang Samar si Mayor Benito Astorga sang Daram, Samar sang mga alas-2 sang kaagahon sang Enero 25 sa Brgy. Birawan. Yara sa baylehan si Astorga sang silutan sang BHB.

Suno sa pahayag sang BHB-Arnulfo Ortiz Command, utok si Astorga sang madamu nga kontra-rebolusyonaryo kag kontra-pumuluyo nga krimen sa malawig nga panahon nga pagserbe sini bilang meyor. Kalakip diri ang pagpamatay sa mga kaupod nga nagahulag sa lugar sadtong 2003 kag mga inosenteng sibilyan nga ginadudahan nga tagasuporta sang BHB. Bilang suporta sa kontra-rebolusyonaryong kampanya sang militar, gintukod niya ang Barangay Information Network kag nagmantine siya sang 180 myembro sang CAFGU. Gindumilian man niya nga magsulod sa iya nga banwa ang mga *non-government organizations* kag iban pa nga progresibong grupo.

Sa kaangut nga insidente, ginsilutan man sang BHB si Augusto Daclitan, 53, sa atubang sang kapitolyo sang Samar sang gab-i sang Enero 24. Nagsurender si Daclitan kay anay 8th Infantry Division Commander Major Gen. Jovito Palparan, Jr. kag gingamit siya sang militar sa ila nga kontra-rebolusyonaryong kampanya sa prubinsya. *Provincial coordinator* si Daclitan sang isa ka kontra-komunistang grupo, ang Alliance for Nationalism and Democracy (ANAD).

Sa Albay, ginsilutan sang mga gerilyang pwersa sang BHB si Jose Lorenzo, 56, sadtong Enero 25, alas-7 sang gabi sa ila nga balay sa Brgy. Maroroy, Daraga. Aktibo nga lider si Lorenzo sang Kilusang Kontra-Komunista sa nasambit nga lugar.

AFP, ginpasingki ang kampanya batuk sa Bayan Muna

GINPASINGKI sang AFP ang kampanya sang pagpamahug kag pagpang-ipit sa mga myembro kag tagasuporta sang Bayan Muna kag iban pa nga progresibong partido samtang nagahilapit ang eleksyon sa Mayo.

Sa Cabuyao, Laguna sini nga bulan, nagpatawag sang pulong masa ang AFP sa Southville National Relocation Site duha ka adlaw matapos nga maghiwat sang pulong ang mga myembro kag tagasuporta sang Bayan Muna sa lugar. Sa ila nga pulong masa, ginpaggwa sang AFP ang presentasyon nga "Knowing the Enemy" kon diin gintumod ang Bayan Muna kag iban pa nga progresibong organisasyon kag partido bilang mga "prente" sang Partido Komunista sang Pilipinas kag kon amo mga "kaaway ng estado." Ginpaandaman nila ang mga residente didto batuk sa pagsuporta sa Bayan Muna kag nagpamahug nga "arestuhon" nila ang tanan nga mga myembro kag tagasuporta sini sa komunidad. Isa lang ang Cabuyao sa mga lugar nga nagasuporta sa Bayan Muna nga ginatarget sang AFP sa ila nga kampanya sang pagpangsamad kag pagpamahu. Hugot nga ginamonitor sang mga progresibong partido ang kampanya sang lain-lain nga yunit sang AFP indi lang sa mga prubinsya kundi bisan sa sulod man sang Metro Manila.

Tuman ka gamay nga dugang nga sweldo, gindingutan pa

GIN-ATRAS sadtong Enero 22 ang hagna nga P125 kada adlaw nga *across-the-board-increase* sa sweldo sang mga mamumugon. Ginhimo ang pag-atras sang hagna nga gin-aprubahan na tani sang Kongreso paagi sang mosyon sang isa ka tuta sang Malakanyang, si Cavite Rep. Jesus Crispin Remulla nga bag-uhon ang petsa sang epektibidad sang hagna—sa baylo nga Oktubre 2006, himuon ini nga Enero 2007. Ginarason lang ni Remulla ang pagbaylo sang petsa para dalayon na nga maatras ang nasambit nga hagna. Sadto pa man indi na magsugot ang rehimeng Arroyo sa anuman nga pagsaka sang sweldo sang mga mamumugon sa tunga sang tuman kasanag nga pagsingki sang pang-ekonomya nga krisis kag kapigaduhon sang pumuluyong Pilipino. Hugot nga ginpakamalaut sang mga representante sang mga progresibong partido ang pag-atras. Suno sa ila, ang tuman ka gamay na lang gani, gindingutan pa. Matandaan nga anum na ka tuig nga ginaduso sang mga mamumugon ang dugang nga P125 nga pagsaka sang ila nga sweldo.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVIII No. 3
Pebrero 7, 2007
www.philippinerevolution.org

Editorial

Agumon ang hustisya para sa mga biktima sang pulitikal nga pagpamatay

Kaangay sang ginalauman, wala sang anuman nga kredibilidad kag saysay ang resulta sang hinimuan sang Melo Commission nga “imbestigasyon” sa mga kaso sang pulitikal nga pagpamatay sa pungsod.

Sa umpisa pa lang maathag na sa tanan nga indi matuod nga maga-imbestigar ang Melo Commission kag suliton lang sini ang daan na nga ginhambal sang Malakanyang, PNP kag AFP. Wala ini sang iban nga tinutuyo kag hinimuan kundi hugasan ang duguon nga mga kamot ni Gloria Arroyo kag sang iya nga mga berdugong upisyal. Wala ini sang kredibilidad sa mata sang mga pamilya sang mga biktima kag mga organisasyon nga nagasakdag sang tawhanon nga kinamatarung sa sulod kag gwa sang pungsod.

Sa desperasyon sini nga makaangkon sang kredibilidad, ginpatampok sang Melo Commission ang konklusyon nga imbolbado ang pila ka mga tinawo sang AFP kag mga pulitiko sa mga pagpamatay. Apang kadungan sini gintum-ukan ni Jose Melo, nagapamuno sang komisyon kag anay mahistrado sang Korte Suprema, nga indi imbolbado ang bug-os nga establisimyento sang AFP. Kon amo, ginatabunan lang sang Melo Commission ang responsibilidad sang kabug-usan sang rehimeng Arroyo kag matag-as nga heneral sang AFP. Gintumod man sini nga may responsibilidad

bilang kumander ang berdugo nga si Ret. Maj. Gen. Jovito Palaparan, apang ginhambal nga indi-direkta kag wala siya sang kriminal nga salabton.

Hayagan nga gin-ako ni Melo nga ang mga konklusyon sang iya nga komisyon halin sa mga report sang militar kag pulis. Gani wala ini sang may ginkomentaryo sa Task Force Usig sang PNP. Bangud nadulaan na sang anuman nga pagsalig sa komisyon, wala na nag-atubang diri ang mga saksi sa mga pagpamatay kag ang pamilya kag kaupdanan sang mga bikti-



Mga tampok sa isyu nga ini...

Pagpamatay sa Bicol, Samar, nagasingki

PAHINA 4

Malawigan nga interbensyong militar

PAHINA 6

Mga aksyong militar sang BHB sa Cagayan, Sorsogon

PAHINA 9

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa panugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angbayan@yahoo.com*